



(O-TEU-15)

ORDENANZA MUNICIPAL REGULADORA DA INSTALACIÓN DE  
TERRAZAS, TOLDOS, PARASOIS, CELOSÍAS OU BIOMBOS  
NAS ZONAS DE INTERESE TURÍSTICO

### HISTORIAL DE CAMBIOS

FECHA	Órgano	Actuación	PUBLICACIÓN		
			Boletín	Nº	Fecha
26/10/2015	Pleno da Corporación	Aprobación	BOP	299	30/12/2015

### SIMBOLOXÍA



No seu caso, as modificacións puntuais do texto da ordenanza sinalaránse con esta icona.



Os artigos e/ou parágrafos sinalados con esta icona foron modificados respecto da anterior versión da ordenanza.



Os artigos e/ou parágrafos sinalados con esta icona atópanse en revisión.



Facendo clic nesta icona, dispoñible ao pé de cada páxina desta ordenanza, volve ao INDICE do documento



✉ [informatica@concellodemonforte.com](mailto:informatica@concellodemonforte.com) 🌐 [www.monfortedeleemos.es](http://www.monfortedeleemos.es) 🌐 <https://sede.monfortedeleemos.es>  
Comuníquenos calquera incidencia que observe neste documento

## INDICE

<b>Exposición de motivos</b>	<b>3</b>
Artigo -1- Obxecto	3
Artigo -2- Ámbito de aplicación	3
Artigo -3- Definicións	3
<b>Condicións técnicas e estéticas das instalacións</b>	<b>3</b>
Artigo -4- Prohibición de publicidade	3
Artigo -5- Mesas e cadeiras	3
Artigo -6- Parasoles, sombrillas e toldos enrolables a fachada	4
Artigo -7- Toldos de fachada	4
Artigo -8- Celosías e biombos	4
Artigo -9- Outros elementos	4
Artigo -10- Rótulos	5
Artigo -11- Horarios	5
Disposición final	5
Disposición adicional primeira	5
Disposición transitoria	5

## Exposición de motivos

No Pleno do Consorcio Turístico da Ribeira Sacra celebrado o seis de agosto de 2015 acordouse:

“Aprobase por unanimidade a proposta estética e de ornato para integrar nas ordenanzas reguladoras de terrazas de establecementos hostaleiros dos puntos de interese turístico de cada Concello cos (...). Cada municipio terá que determinar cales son os espazos de intereses turístico do seu termo municipal.”

No Boletín Oficial da Provincia de Lugo de data 21 de setembro de 2015 publicouse “CONVOCATORIA PARA A CONCESIÓN DE SUBVENCIONS EN MATERIA DE UNIFORMIDADE DAS TERRAZAS DO DESTINO TURISTICO RIBEIRA SACRA, ANO 2015.”

A mencionada convocatoria no seu artigo 4 dedicado ós requisitos dos participantes establece:

“Os espazos de maior afluencia turística serán determinados por cada Concello e incorporados á ordenanza reguladora segundo o acordo plenario do 6 de agosto de 2015.

Os interesados terán que facer consulta ó respecto nas dependencias municipais e solicitar informe que o acredite como local ubicado en punto de afluencia turística.”

### Artigo -1- Obxecto

Esta ordenanza ten por obxecto establecer o réxime estético ao que se deben someter ás instalacións de terrazas, parasoles, veladores/ celosías e toldos de fachada en terreos particulares e de dominio público e, en particular, nos puntos de interese turístico do Concello de Monforte de Lemos no conxunto do destino Ribeira Sacra.

### Artigo -2- Ámbito de aplicación

O ámbito de aplicación desta Ordenanza coincide coa delimitación do casco histórico (Área de Rehabilitación Integral) de Monforte de Lemos.

### Artigo -3- Definicións

Aos efectos desta ordenanza enténdese por terraza a instalación que implique o uso dun solo enclavado nunha zona de delimitación de Ribeira Sacra definida no anterior artigo debidamente autorizada conforme ás disposicións legais vixentes.

Estas terrazas supoñen un aproveitamento do solo con actividades de hostalería, mediante a colocación de veladores, parasoles, cadeiras, mesas e elementos auxiliares.

## Condicións técnicas e estéticas das instalacións

### Artigo -4- Prohibición de publicidade

- 4.1. Queda prohibida a publicidade en todos os elementos que compoñan as terrazas, quedando autorizada expresamente só a publicidade do propio establecemento en toldos e sombrillas / parasoles coa limitación dun espazo máximo de 10 cm. de ancho e 20 de longo en cada un dos elementos para os toldos e 5 cm. de ancho e 10 de longo para as sombrillas / parasoles.
- 4.2. Tampouco levarán publicidade os elementos complementarios á actividade (gardapanos, cinceiros de sobremesa...) que, unicamente, poderán conter o nome e/ou actividade do establecemento.
- 4.3. Así mesmo, cando nas terrazas se proceda á instalación de papeleiras, xardineiras, separadores de ambiente, cinceiros de pé, ou outros análogos, estes non poderán levar publicidade de ningún tipo, debendo adaptarse ás características do resto do mobiliario a utilizar.

### Artigo -5- Mesas e cadeiras

Con carácter xeral as mesas e cadeiras deberán reunir unhas características que se entendan axeitadas para a súa función, de forma que todas elas sexan amontoables, de material resistente, de doada limpeza e de boa calidade.

Tamén serán do material menos ruidoso posible. Deberán armonizar entre si en cromatismo, material e deseño, axustándose ás seguintes características:

- a) Serán de material resistente, de doada limpeza e boa calidade.
- b) Non se permitirá que o mobiliario sexa integramente de material de plástico.
- c) Os materiais de mesas e cadeiras poderán ser a madeira, o tecnoploímero, ou rattan sintético, a resina ou vimbio preferentemente, combinados se cabe con aluminio, polipropileno ou fibra de vidro.
- d) Os tons preferentes para as cadeiras serán o negro, a cor madeira ou a cor burdeos. No caso das tapas das mesas serán o marfil, o gris ou a cor madeira.
- e) As cadeiras non poderán ser do tipo pregables, salvo que sexan de material de madeira.

## Artigo -6- Parasoles, sombrillas e toldos enrolables a fachada

6.1. Serán de material téxtil, liso e dunha soa cor, debendo usarse preferentemente a cor burdeos de xeito unicromático.

6.2. Sombrillas e parasoles

- a) Poderá autorizarse un máximo dunha sombrilla/parasol por mesa.
- b) As sombrillas/parasoles en ningún caso poderán sobresaír do espazo de ocupación autorizado nin suporán, pola súa altura, perigo para os peóns. Os devanditos elementos haberán de ser de estrutura resistente e segura para as persoas.
- c) As sombrillas/parasoles terán sempre a posibilidade de seren recollidos mediante unha doada manobra para o que o seu soporte terá que ser lixeiro e desmontable. Queda prohibido o pechamento das superficies verticais do seu perímetro.
- d) As instalacións de parasoles e sombrillas só poderán autorizarse sen ancoraxes ao pavimento.

## Artigo -7- Toldos de fachada

As condicións dos toldos de fachada serán as reguladas na normativa urbanística vixente e a súa instalación requirirá en todo caso o informe previo favorable dos Servizos Técnicos Municipais e a solicitude das correspondentes licenzas urbanísticas.

Para a súa instalación precisase obter a previa licenza / comunicación previa de obras que require en todo caso a obtención de informe favorable sobre a actuación da Comisión Territorial do Patrimonio Histórico Galego de Lugo.

## Artigo -8- Celosías e biombos

8.1. O espazo destinado á ocupación de terraza, poderá ser delimitado por medio de celosías caladas e/ou biombos ou proteccións perimetrais de material transparente.

A autorización para a instalación destes elementos abranguerá unicamente o período no que se autorice a ocupación do dominio publico con terraza.

8.2. Poderase instalar moqueta ou tarima co ánimo de protexer o chan ocupado, sempre e cando fose solicitado, e autorizado polo Concello, debendo manter diariamente as condicións de hixiene e ornato destes.

8.3. No caso de biombos ou proteccións perimetrais de material transparente deberán cumprir a normativa sectorial vixente e, polo tanto, deberán incorporar elementos que garantan a súa detección para os viandantes.

8.4. O espazo autorizado marcarase sobre o pavimento polo Concello.

8.5. Para a súa instalación precisase obter a previa licenza / comunicación previa de obras ea autorización de uso do dominio publico que require en todo caso a obtención de informe favorable sobre a actuación da Comisión Territorial do Patrimonio Histórico Galego de Lugo.

## Artigo -9- Outros elementos

- 9.1. Poderán instalarse papeleiras, xardineiras, macetas ou outros elementos ornamentais en consonancia co mobiliario escollido.
- 9.2. Non se permitirán contenedores ou bombonas en lugares visibles no acceso aos establecementos e ás súas terrazas. De ser o caso terían que ser cubertos con estruturas acordes ao mobiliario e en consonancia coa realidade arquitectónica do entorno.
- 9.3. O Concello poderá esixir que o mobiliario se axuste a determinadas características estéticas e de uniformidade entre os diversos establecementos, en consonancia coa realidade arquitectónica do ámbito.

## Artigo -10- Rótulos

---

Para a súa instalación precisase obter a previa licenza / comunicación previa de obras que require en todo caso a obtención de informe favorable sobre a actuación da Comisión Territorial do Patrimonio Histórico Galego de Lugo.

## Artigo -11- Horarios

---

Os horarios de apertura da terraza estarán suxeitos ó da licenza de actividade que teña concedida o establecemento hostaleiro correspondente, sen prexuízo do debido cumprimento da normativa aplicable en materia de horarios de apertura e peche e ruídos.

## Disposición final

---

En todo aquilo non regulado por esta ordenanza e, en todo caso, para aquelas terrazas non incluídas no ámbito de especial interese turístico determinado no artigo 2 da presente ordenanza, continua vixente o texto refundido da ordenanza reguladora da instalación de terrazas no Concello de Monforte, publicado no BO da Provincia de Lugo de data 13 de marzo de 2013.

## Disposición adicional primeira

---

Esta ordenanza entrará en vigor o día seguinte da a súa publicación no Boletín oficial da Provincia.

## Disposición transitoria

---

O cumprimento das condicións estéticas para mesas e cadeiras será de obrigado cumprimento para aquelas terrazas de nova instalación dende a entrada en vigor desta ordenanza, sen embargo para as terrazas xa autorizadas en anos anteriores será de aplicación para o ano 2019.

O Alcalde



José Tomé Roca